



RIZUMU DI ORSAMENTU FY25 RAKUMENDADU

SABI MAS: [BUDGET.BOSTON.GOV](https://budget.boston.gov)

Na ultimus dos siklus di orsamentu, nos foku era na kuze ki familias mesti pa prospera. Nu invisti na rikursus nisisariu pa suporta asesibilidadi, resiliensia, i ekuidadi na nos bairus. Es anu, nu sa ta invisti pa intrega sirvisus ixselenti di Sidadi, i midjora prosesus ki dja izisti, i spandi asesu pa alkansa mas familias, ku mas efisiensia. Es Orsamentu FY25 rakumendadu ta ben djuda nos progresu pa fazi Boston un kaza pa tudu alquen—undi nisisidadis di nos kumunidadis alkansadu i sonhus podi kria.

Michelle Wu
Prizidenti Michelle Wu

FY25
ORSAMENTU OPERASIONAL

\$4.6B

FY25-29
PLANU PRINSIPAL

\$4.7B

INVESTIMENTUS TA INKLUI:

Aumentu di Asesibilidadi

\$3M

Komu parti di nos inisiativas pa garanti ma tudu morador di Boston podi kontinua ta txoma Sidadi di kaza, es orsamentu propostu ta invisti na programason di abitason sima vouchers di abitason asesivel, asistensia di renda, i suporti pa ipoteka di kaza, i prugramason di prevenson di situason di sen tetu. Para len di kela, ta finansia orsamentu di un novu Fundu di Oportunidadi pa Akizison di Abitason i ta da un finansiamentu adisional pa asistensia di renda i inisiativas di diskarbonizason. I Departamentu di Planiamentu di Sidadi di Boston ta bai foka na mudela Boston's pa asesibilidadi, reziliensia, i ekuidadi.

Siguransa i Saudi Publiku

\$2.8M

Nos inisiativas pa intrelasa saudi i siguransa publiku pa kria konfiansa di kumunidadi pa spandi sirvisus txeu nisisariu pa moradoris. Es anu, nu sa ta aumenta kuantidadi di EMTs pa podi midjora tenpu di rispostu di xamada pa emerjensias mediku na Sidadi, nu sa ta invisti na saudi maternu i infantil pa konbati diferensas na saudi i spandi sirvisus di vizitason na kaza pa tudu familias pretu ku mininu, nu sa ta fazi jeston di uzu di substansia i situason di sen tetu atraves di abitason di limiar baxu, tratamentu, i ekipas di divulgason movel na sidadi interu.

\$155M

na Planu Prinsipal

Nu sa ta midjora siguransa di nos ruas ku ritoki di stradas i rekontruson di paseiu pa promovi mobilidadi i siguransa.

Juventudi & Familias

\$20.5M Nos orsamentu di investmentus propostu ta djuda fazi Boston midjor lugar na pais pa kria un familia. Pa studantis mas pikinoti di Boston, nu sa ta invisti na ensinu di alta kualidadi i prenda atraves di investmentus na idukason inkluzivu na skola, inkluzivi suportu adisional pa studantis ku nisisidadis special i studantis di Ingles. Pa moradoris di tudu idadi, aumenta finansimentu pa garantias di festa di bloku, ku milhorias kontinuo na prusesu di inskrison, pa ki bira mas fasil pa moradoris kria kumunidade na nos bairus.

\$1.3B Suporta stabelesimentus di klasi mundia na Boston Public School (Skola Publiku di Boston)
na Planu Prinsipal

\$150.5M Nu sa ta fazi investmentus na vida di nos kriansas fora di sala di aula. Es investmentu ta suporta riparason di piscinas i renovason na stabelesimentus di BCYF i BPS, para len di novu konstruson di Fields Corner Library (Biblioteka di Field Corner) i Grove Hall Community Center (Sentru Kumunitariu di Grove Hall).
na Planu Prinsipal

Klima & Spasu Verdi

\$1.14M Komu parti prinsipal di Boston's Green New Deal (Novu Akordu Verdi di Boston) e garanti ma nos trabadju ta suporta klima, abitabilidadi, i justisa di nos bairus pa nos moradoris. Es investmentu ta suporta preparason pa emerjensia di reziliensia klimatiku, atualizon di nos planu di ason, i aumenta abitabilidadi di nos bairus na kuida di + di 35,000 arvis di rua. Nu sa ta prioriza nos spasus verdi, un parti important di fazi Boston mas verdi, sidadi mas amigavel pa familia na U.S. na invisti na ekipa adisional i ekipamentu pa fazi jeston i manti Franklin Park.

\$90.6M Aumenta rikursus stadual i federal na planiamentu i konstruson di un linha kosteru rezilienti, i ta suporta reformas pa inkorpora rikursus di infrastrutura verdi na nos prujetus di konstruson pa midjora jeston di agua pluvial i inpaktus di ilha di kalori. Finansimentus adisional ta suporta renovason i rekonstruson di Clifford Playground.
na Planu Prinsipal

Intrega di Servisus Iksesional di Sidadi

\$3.9M Es orsamentu propostu ta aumenta asesibilidadi i midjora nos prosesus pa garanti ma Sidadi ta bai kontinua ta oferesi servisus ixsepsional pa ileitoris na nos bairus. Nu sa ta moderniza sirvisus tradisional di Sidadi na finansia un panu pilotu di konteinerizason pa promovi linpeza na bairus di Boston. I nu sa ta midjora sirvisus baziku di Sidadi, inkluzivi markason di pavimentu rodoviaru, trafiku i sinal di stasionamentu, remoson di graffiti, i ekipamentu di self service na filial di biblioteka.

Promovi Ekuidadi & Oportunidadi Ekonomiku

\$7.8M Avansa ekuidadi i garanti tudu ma tudu kumunidade di Boston's sta konektadu pa oportunidadi ekonomiku e kritiku pa fazi Boston midjor sidadi pa familias oxi i pa jerasons ki ta ben. Es investmentu ta finansia un variedadi di prugramas atraves di Office of Workforce Development (Gabineti di Dizenvolvimentu di Forsa di Trabadju). I nu sa ta aumenta orsamentu di Equity & Inclusion Cabinet (Gabineti di Ekuidadi & Inkluzon)—baziadu na konpromisu di nos administrason transforma pulitikas i prugramas di sidadi pa ki tudu morador podi ten asesu a sirvisus di Sidadi services i ten susesu, na tudu bairus.